

पा॥ रसेन वरुणो न साम्ना । इन्द्र॥ श्रियै जनयन्नसु रा-
जा ॥ तेजः पशूना॥ हविरिन्द्रियावत् । परिसुता पय-
सा सारघं मधु । अश्विभ्यां दुग्धं भिषजा सरस्वत्या सु-
तासुताभ्यां । अमृतः सोमइन्दुः ॥ ६ ॥
अन्तरआरादन्तवसाते व्याघ्रलोमः राजा चत्वा-
रि च ॥ अनु० ४ ॥

पञ्चमोऽनुवाकः ।

मित्रोऽसि वरुणोऽसि । समहं विश्वैर्देवैः । क्षत्रस्य ना-
भिरसि । क्षत्रस्य योनिरसि । स्योना मा सीद । सुषदा
मा सीद । मा त्वा हिंसीत् । मा मा हिंसीत् । निष-
साद धृतव्रतो वरुणः । पस्त्यास्वा ॥ १ ॥

साम्राज्याय सुक्रतुः । देवस्य त्वा सवितुः प्रसवे ।
अश्विनोर्बाहुभ्यां । पूष्णो हस्ताभ्यां । अश्विनोर्भैषज्येन ।
तेजसे ब्रह्मवर्चसायाभिषिञ्चामि । देवस्य त्वा सवितुः
प्रसवे । अश्विनोर्बाहुभ्यां । पूष्णो हस्ताभ्यां । सरस्वत्यै
भैषज्येन ॥ २ ॥

वीर्यायान्नाद्यायाभिषिञ्चामि । देवस्य त्वा सवितुः
प्रसवे । अश्विनोर्बाहुभ्यां । पूष्णो हस्ताभ्यां । इन्द्रस्ये-